

奉化縣志卷之十四

志雜錄

史有闕文又有雜傳何歟闕以示慎雜以收殘互證其義也奉邑古昔沿革雖無確據然既經搜討約略成書要亦範圍不相越遠其見於書冊者單詞隻事於志中諸大端無可付麗而其文雅馴近古有足備一方之典故君子固不忍棄焉若近今耳目共見之事口頭傳述之詞又有可以示勸懲而借指迷惑者茲一一拾取之有心人又將於愛才之意觀會通矣

奉化縣志

卷之十四

雜錄

一

錄古類

奚與契丹俱起在元魏時號庫莫奚歷宇文周隋唐皆號兵強其後契丹破走奚奚西保隆科其留者臣服於契丹號東西奚厥後遼太祖稱帝諸部皆內屬矣圖埒者古部族之號奚有其地號稱圖埒州又書作鐵驪州奚有五世族世與遼人爲婚姻附姓舒嚕氏又有十三部二十八落一百一帳三百六十二族

本金史奚王和勒博傳

遼聖宗開泰二年正月中京留守檢校太師戶部侍郎劉涇加工部尚書

八年二月以前南院樞密使韓愬爲中京留守

太平元年七月遣古哩取石晉所上玉璽于中京

八年以耶律頁同知中京留守

道宗清甯元年十一月以南海大王海古勒爲中京留守

咸雍六年六月以特哩袞耶律伯爲中京留守

大安元年以邢熙年爲中京留守

壽隆四年六月以參知政事牛溫舒兼知中京留守

金太宗天會五年十月辛未宋二帝自燕徙居於中京

熙宗皇統四年加宗室子亮龍虎衛上將軍爲中京留守

奉化縣志

卷之十四

雜錄

二

宗亮以熙宗爲太祖嫡孫嗣位已亦太祖孫遂懷覬覦在中京專務立威以厭伏小人明安蕭裕傾險敢決亮結納之每與論天下事至皇統八年出亮爲領行臺尚書省事過中京與蕭裕定約而去

海陵天德四年四月有司請今歲河南北選人並赴北京銓注從之

正隆六年族樞密使布薩思恭北京留守蕭蹟西京留守蕭懷忠

世宗初封葛王天德初判會甯牧明年判大宗正改中京留

守

世宗大定二年七月詔發濟州會甯府軍在京師者以五千人赴北京十二月遣尚書刑部侍郎劉仲淵等察廉宣諭東京北京等路

三年五月以北京留守完顏思敬復爲右副元帥

四年九月上謂宰相北京懿州臨潢等路嘗經契丹寇掠平薊二州近復蝗百姓艱食父母兄弟不能相保多冒鬻爲奴朕甚憫之可速遣使閱實其數出內庫物贖之

七年五月以北京留守諾延溫都烏達爲參知政事十二月

奉化縣志

卷之十四

雜錄

三

北京留守完顏默音朝辭賜通金帶諭曰卿雖有才用心多詐朕左右須忠實人故命卿補外賜通金帶者答卿服勞之久也甲辰以北京留守完顏思敬爲平章政事

論曰金世宗勵精圖治號小堯舜偏安之主可謂賢矣然諭完顏默音數語卻失政體臣下可用則用不宜用則去之否則念其舊勳優予賞賚休致可也旣明見其用心多詐而仍以爲留守將左右不當有此臨民乃可以此乎允非澄叙官方之正軌也

十九年八月以宋大觀錢當五用

二十八年復置北京遼東鹽使司仍罷巡使

章帝承安元年以北京留守裔爲參知政事

衛紹王大安三年十月曲赦西京遼東北京

宣宗貞祐三年正月北京軍亂殺宣撫使鄂屯襄

興定元年詔中都西京北京等路策論進士及武舉人權試

於南京東平博索上京等四路以上均本遼金史帝王及廢帝本紀

遼兵六萬來攻昭蘇城額圖瑋貝勒鄂蘭沙津與戰於伊圖

之地大破之本幹魯傳事在太祖收國二年又互詳紀事

天輔二年完顏忠與羅索入見上曰遼主近在中京而敢輒

奉化縣志 卷之十四 雜錄 四

來各杖之三十完顏忠傳

元太祖卽位十年二月穆呼哩攻北京夏四月詔張鯨總北

京十提控兵從南征鯨謀反伏誅

憲宗中統元年詔燕京西京北京三路宣撫司運米十萬石

輸開平府及撫州沙井靖州魚兒灤以備軍儲七月敕燕京

北京西京眞定平陽大名東平益都等路宣撫司造羊裘皮

帽袴鞞皆以萬計輸開平

三年三月括北京鷹坊等戶丁爲兵蠲其賦令趙炳將之

四年三月命北京元帥阿海發漢軍二千人赴開平

至元元年八月頒陝西四川西夏中興北京三處行中書省條格

二年十一月請罷北京行中書省別立宣撫司以控制東北州郡從之

十七年二月立北京道二驛

成宗元貞七年秋御史臺臣言前河間路達嚕噶齊郭幹賽音轉運使珠嘉德壽皆坐贓罷今幹賽音以獻鷹犬除大甯路達嚕噶齊珠嘉德壽以德呼默色妄奏其被誣除福甯知州並宜改正不叙以戢姦貪從之

奉化縣志

卷之十四

雜錄

五

順帝至正二年正月以大甯路所轄興中義州屬懿州

元史本紀

錄今類

傳聞早年村民某甲家小康新婚彌月送婦歸甯途遇馬賊數人衣飾盡爲所劫一賊方指揮剝婦衣僅餘一禪婦哀乞不允賊馬忽立蹄而逸賊倒懸於鐙竟馳贅死衆賊趨救甲與婦因得脫於難人以爲賊至此惡盈已極故報之速云
論曰天道好還物窮而返自然之理也卻不謂世間固有當頭棒喝令人猛省稱快破啼爲笑如某甲事者於此服造物之靈巧實出尋常萬萬

偏臉城居民耕田得古鏡背有韓州二字又於古榆下得一石色紅長五尺許刻有一制令三字字徑尺不解所謂今不見矣

太定社慶雲觀門外石羊一重千餘斤潘姓耕田所獲

小城子屯高克福舍後古榆一株即所謂古榆泉者是村人莫敢毀折

其枝犯者輒病

兩礮石屯有石虎二僅三尺餘相傳蒙古人屢以車載之屹不可動若有異焉

花城子內相傳昔有池生紅花人折之則頭痛目炫迷不得

奉化縣志

卷之十四 雜錄

六

出棄之乃愈

三面城西北隅有古榆一株相傳其下嘗有雙燈夜出人亦不怖若遙遙相送者劉某酒醉夜行至此小遺覺鬼物批其頰罵曰莽夫無禮污吾鍋矣至家掌痕猶在人每以爲陰城云

黑嘴子屯嶺傍古榆圍合抱高二丈餘村人伐之出血匠則頭痛不可以忍遂相傳爲神樹至今無敢攀折者斧斤之痕蓋猶在云

論曰大禹鑄鼎象物恐人之趨於怪故明示以怪也孔子

不語怪乃又曰木石之怪夔蝮蝮水之怪龍罔象土之怪
獮羊蓋謂怪而知其所以怪亦不足怪也自人之好怪者
多而怪乃日出曉星夜火輒怪矣而人之心爲鬼蜮者反
不之怪焉鵲噪鴉鳴忽怪矣而人之行同梟獍者又不甚
怪焉韓子曰甚哉人之好怪也吾則甚怪人之好怪正如
葉公之好龍非眞能好龍者也茲附錄謠傳數則士君子
必不惑此特爲愚俗指南俾知此不必怪固有大可怪者
在而書不勝書也